

**ZENIČKA RAZVOJNA AGENCIJA
ZEDA d.o.o. Zenica**

**NEZAVISNO REVIZORSKO MIŠLJENJE
i
FINANSIJSKI IZVJEŠTAJI
za godinu koja je završila
31. decembra 2024.**

	<i>Stranica</i>
Odgovornost za finansijske izvještaje	2
Izvještaj nezavisnog revizora	3 - 6
Finansijski izvještaji:	
Izvještaj o ukupnom rezultatu	7
Izvještaj o finansijskom položaju	8
Izvještaj o promjenama na kapitalu	9
Izvještaj o novčanim tokovima	10
Bilješke uz finansijske izvještaje	11 - 24

ODGOVORNOST ZA FINANSIJSKE IZVJEŠTAJE

U skladu sa Zakonom o računovodstvu i reviziji Federacije Bosne i Hercegovine pravna osoba je dužna da vodi knjigovodstvo i sastavlja i podnosi računovodstvene izvještaje u skladu sa Međunarodnim standardom finansijskog izvještavanja za male i srednje subjekte ("MSFI za MSS") koje je objavio Odbor za međunarodne računovodstvene standarde, koji pružaju istinit i fer pregled stanja u Društvu, kao i njegove rezultate poslovanja za navedeni period.

Nakon provedbe odgovarajućeg istraživanja, Uprava opravdano očekuje da će Društvo u dogledno vrijeme raspolagati odgovarajućim resursima, te stoga i dalje usvaja načelo vremenske neograničenosti poslovanja pri sastavljanju finansijskih izvještaja.

Odgovornosti Uprave pri izradi finansijskih izvještaja obuhvataju sljedeće:

- odabir i dosljednu primjenu odgovarajućih računovodstvenih politika
- davanje opravdanih i razboritih prosudbi i procjena
- postupanje u skladu s važećim računovodstvenim standardom, uz objavu i obrazloženje svih materijalno značajnih odstupanja u finansijskim izvještajima i
- sastavljanje finansijskih izvještaja pod pretpostavkom vremenske neograničenosti poslovanja, osim ako pretpostavka da će Društvo nastaviti poslovanje nije primjerena.

Uprava je odgovorna za vođenje odgovarajućih računovodstvenih evidencija, koje u svakom trenutku s opravdanom tačnošću prikazuju finansijski položaj Društva. Također, Uprava je dužna pobrinuti se da finansijski izvještaji budu u skladu sa Zakonom o računovodstvu i reviziji FBIH. Pored toga, Uprava je odgovorna za čuvanje imovine Društva, te za poduzimanje opravdanih koraka za sprečavanje i otkrivanje prevare i drugih nepravilnosti.

Za i u ime Uprave:


Senad Pašalić
Direktor



ZENIČKA RAZVOJNA AGENCIJA ZEDA d.o.o. Zenica

Zmaja od Bosne bb
Poslovna zona Zenica 1
72000 Zenica
Bosna i Hercegovina

21. april 2025. godine

Izveštaj nezavisnog revizora

Osnivaču, Nadzornom odboru i Upravi ZEDA d.o.o. Zenica

Mišljenje sa rezervom

Obavili smo reviziju priloženih finansijskih izvještaja **ZENIČKA RAZVOJNA AGENCIJA ZEDA d.o.o. Zenica** (u daljem tekstu: „Društvo“) prikazanih na stranama od 7 do 24, koji se sastoje od izvještaja o finansijskom položaju na dan **31. decembra 2024. godine**, izvještaja o ukupnom rezultatu, izvještaja o novčanim tokovima i izvještaja o promjenama na kapitalu za godinu koja je tada završila, informacija o značajnim računovodstvenim politikama i drugih Bilješki.

Po našem mišljenju, osim za efekte predstavljene u paragrafu *Osnova za mišljenje s rezervom*, finansijski izvještaji prikazuju objektivno, u svim materijalno značajnim stavkama, finansijski položaj Društva na dan **31. decembra 2024. godine**, te rezultate njegovog poslovanja i promjene u novčanom toku za godinu koja je tada završila, u skladu s Međunarodnim standardom finansijskog izvještavanja za male i srednje subjekte.

Osnova za mišljenje sa rezervom

Na dan 31. decembra 2024. godine, kako je to navedeno u Bilješci 17, Društvo iskazuje odloženi prihod od donacija u iznosu od 639 hiljadu BAM. Navedeno predstavlja odstupanje od zahtjeva MSFI za MSS iz Odjeljka 24 – *Državne potpore* koji nalaže pojednostavljeno priznavanje donacija na način da se donacije priznaju kao prihod perioda kada su zadovoljeni uslovi zahtijevani od primaoca donacije ili ako se od primaoca donacije ne zahtijeva ispunjenje bilo kakvih uslova. Donacije se iskazuju kao obaveza ukoliko su donacije primljene prije ispunjenja uslova postavljenih donacijom. Obzirom da su, prema prema dostupnim informacijama, sredstva donacija u Društvu utrošena namjenski, zadovoljen je jedini uslov zahtijevan donacijom, pa je zbog navedenog na 31. decembar 2024. godine odloženi prihod u Društvu precijenjen, a akumulirana dobit podcijenjena za iznos od 639 hiljadu BAM.

Reviziju smo obavili u skladu s Međunarodnim revizijskim standardima (MRevS). Naše su odgovornosti prema tim standardima detaljno opisane u dijelu pod naslovom *Odgovornost revizora za reviziju finansijskih izvještaja* u našem izvještaju. Nezavisni smo od Društva u skladu s Kodeksom etike za profesionalne računovođe koji je izdao Odbor za međunarodne standarde etike za računovođe (IESBA), i ispunili smo naše ostale etičke odgovornosti u skladu s IESBA kodeksom primjenjivim u Federaciji BiH. Vjerujemo da su revizijski dokazi koje smo pribavili dovoljni i primjereni da osiguraju osnovu za naše revizijsko mišljenje sa rezervom.

Isticanje pitanja

Kao što je navedeno u Bilješkama 5 i 8 Društvo je tokom 2024. godine iskazalo prihode i troškove u iznosu od 464 hiljade BAM po osnovu sredstava koje je kao vodeći partner u projektu "SpinIT" primilo na vlastiti račun, a zatim transferisalo partnerima u projektu u skladu sa projektnim budžetima. Navedeno iskazivanje prihoda i rashoda je suprotno MSFI za MSS iz Odjeljka 2 – *Koncepti i sveobuhvatni principi* koji prihode definiše kao povećanja ekonomskih koristi tokom izvještajnog perioda u obliku priliva ili povećanja imovine ili smanjenja obaveza koji rezultiraju porastom kapitala, dok rashode definiše kao smanjenja ekonomskih koristi tokom izvještajnog perioda u obliku odliva ili umanjenja imovine ili stvaranje obaveza koje rezultiraju smanjenjem kapitala. Nadalje, Zakon o računovodstvu i reviziji (Službene novine FBiH br. 15/21) u članu 17. (*Kontni okvir i glavna knjiga*) navodi da se u bilansnu evidenciju knjiže poslovni događaji koji utiču na promjene na pozicijama sredstava, obaveza, kapitala, rashoda, prihoda i rezultata poslovanja.

Dalje, kao što je navedeno u bilješci 15, umjesto da prizna potraživanje i prihod za iznos granta koji nije primljen do obračunskog datuma, a za što su prema MSFI za MSS iz Odjeljka 24 – *Državne potpore* ispunjeni uslovi po osnovu nastanka troškova vlastitih projektnih aktivnosti, Društvo je umanjilo troškove za iznos koji nije pokriven prilivima od donatora iskazujući razgraničene troškove u iznosu od 61 hiljadu BAM.

Međutim, obzirom da sve navedeno nema uticaj na rezultat poslovanja za 2024. godinu, niti na imovinu, obaveze i kapital Društva na 31. decembar 2024. godine, te obzirom da je adekvatno objavljeno, naše mišljenje nije modifikovano u vezi navedenog.

Ključna revizijska pitanja

Osim za pitanja opisana u paragrafima *Osnova za mišljenje s rezervom* i *Isticanje pitanja*, odredili smo da nema drugih ključnih revizijskih pitanja za priopćiti u našem izvještaju.

Ostale informacije

Uprava je odgovorna za objavu ostalih informacija koje prije svega obuhvataju Izvještaj o radu Društva za predmetnu poslovnu godinu. Naše mišljenje se ne odnosi na ostale informacije niti obuhvata bilo kakvo izražavanje uvjerenja u pogledu ostalih informacija. Naša je obaveza pročitati ostale informacije i razmotriti da li su značajno nekonzistentne sa finansijskim izvještajima ili našim saznanjima stečenim tokom revizije odnosno da li su podložni pogrešnim prikazivanjima. Ukoliko na bazi provedenih procedura zaključimo da postoje značajne pogrešne objave u ostalim informacijama, dužni smo da izvijestimo o tim činjenicama. Na dan izdavanja našeg mišljenja izvještaj o poslovanju je bio u pripremi.

Odgovornost Uprave za finansijske izvještaje

Uprava je odgovorna za sastavljanje i objektivan prikaz tih finansijskih izvještaja u skladu s Međunarodnim standardom finansijskog izvještavanja za male i srednje subjekte i za one interne kontrole za koje Uprava odredi da su potrebne za omogućavanje sastavljanja finansijskih izvještaja koji su bez značajnog pogrešnog prikazivanja uslijed prevare ili pogreške. U sastavljanju finansijskih izvještaja Uprava je odgovorna za procjenjivanje sposobnosti Društva da nastavi s vremenski neograničenim poslovanjem i za objavljivanje, ako je primjenjivo, pitanja povezanih s neograničenošću vremena poslovanja i primjenu pretpostavke neograničenosti vremena poslovanja, osim ako Uprava ili namjerava likvidirati ili prekinuti poslovanje ili nema realne

Odgovornost Uprave za finansijske izvještaje (nastavak)

alternative nego da to učini. Oni koji su zaduženi za upravljanje, odgovorni su za nadziranje procesa finansijskog izvještavanja kojeg je ustanovilo Društvo.

Odgovornost revizora za reviziju finansijskih izvještaja

Naši ciljevi su steći razumno uvjerenje o tome jesu li finansijski izvještaji kao cjelina bez značajnog pogrešnog prikazivanja uslijed prevare ili pogreške, te izdati izvještaj revizora koji uključuje naše mišljenje. Razumno uvjerenje je viša razina uvjerenja, ali nije garancija da će revizija obavljena u skladu s MRevS-ima uvijek otkriti značajno pogrešno prikazivanje kada ono postoji. Pogrešna prikazivanja mogu nastati uslijed prevare ili pogreške i smatraju se značajnima ako se razumno može očekivati da, pojedinačno ili skupno, utiču na ekonomske odluke korisnika donesene na osnovu tih finansijskih izvještaja. Kao sastavni dio revizije u skladu s MRevS-ima, stvaramo profesionalne prosudbe i održavamo profesionalni skepticizam tokom revizije te:

- Prepoznamo i procjenjujemo rizike značajnog pogrešnog prikazivanja finansijskih izvještaja, zbog prevare ili pogreške, oblikujemo i provodimo revizijske procedure kao reakciju na te rizike i pribavljamo revizijske dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja nastalog uslijed prevare veći je od rizika neotkrivanja značajnog pogrešnog prikazivanja nastalog uslijed pogreške, jer prevara može uključiti tajne sporazume, krivotvorenja, namjerno ispuštanje, pogrešno prikazivanje ili zaobilaženje interne kontrole;
- Stičemo razumijevanje internih kontrola relevantnih za reviziju kako bismo oblikovali revizijske postupke koji su primjereni u danim okolnostima, ali ne i za svrhu izražavanja mišljenja o učinkovitosti interne kontrole Društva;
- Ocjenjujemo primjerenost primijenjenih računovodstvenih politika i razumnost računovodstvenih procjena te povezanih objava koje je stvorila Uprava;
- Zaključujemo o primjerenosti primjene računovodstvene osnove vremenske neograničenosti poslovanja te, temeljeno na pribavljenim revizijskim dokazima, zaključujemo o tome postoji li značajna neizvjesnost u vezi s događajima ili okolnostima koji mogu stvarati značajnu neizvjesnost i sposobnost Društva da nastavi s vremenski neograničenim poslovanjem. Ako zaključimo da postoji značajna neizvjesnost, od nas se zahtjeva da skrenemo pažnju u svom revizijskom izvještaju na povezane objave u finansijskim izvještajima ili, ako ove objave nisu odgovarajuće, da modificiramo naše mišljenje. Naši zaključci se temelje na revizijskim dokazima pribavljenim sve do datuma našeg revizijskog izvještaja. Međutim, budući događaji ili uslovi mogu prouzrokovati da Društvo prestane s vremenski neograničenim poslovanjem.
- Ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i odražavaju li finansijski izvještaji transakcije i događaje na kojima su zasnovani na način kojim se postiže fer prezentacija.

Komuniciramo sa onima koji su zaduženi za upravljanje u vezi s, između ostalih pitanja, planiranim djelokrugom i vremenskim rasporedom revizije, i bitnim revizijskim nalazima, uključujući i značajne nedostatke u internim kontrolama koje otkrijemo tokom naše revizije.

Od nas se takođe zahtijeva da damo izjavu da smo postupili u skladu s relevantnim etičkim zahtjevima u vezi s nezavisnošću i da ćemo komunicirati o svim pitanjima za koja se može razumno smatrati da utiču na našu nezavisnost te, gdje je primjenjivo, o povezanim zaštitama.

Angažirani partner u reviziji odgovoran za ovaj izvještaj nezavisnog revizora je Bekir Đidić.

Aldin Đanan
Direktor



ETIC d.o.o. Zenica
Licenca br. 9040052145
Londža bb, PC ROMA II/2
72000 Zenica

Zenica, 21. april 2025. godine

Bekir Đidić
Ovlašteni revizor
Licenca br. 3040752200

ZENIČKA RAZVOJNA AGENCIJA ZEDA d.o.o. Zenica
IZVJEŠTAJ O UKUPNOM REZULTATU
 za godinu koja je završila 31. decembra 2024. godine

	Bilješka	2024. 000 BAM	2023. 000 BAM
Prihodi iz ugovora sa kupcima	4	36	68
Ostali prihodi i dobici	5	1.475	1.940
<i>Ukupno prihodi iz poslovanja</i>		1.511	2.008
Troškovi materijala i energije	6	(45)	(41)
Troškovi osoblja	7	(547)	(567)
Troškovi amortizacije	12	(146)	(168)
Troškovi usluga i administrativni troškovi	8	(710)	(1.134)
Ostali rashodi i gubici	9	(30)	-
<i>Ukupno rashodi iz poslovanja</i>		(1.478)	(1.910)
<i>Dobit prije kamata i oporezivanja</i>		33	98
Finansijski prihodi	-	-	-
Finansijski rashodi	10	-	(4)
<i>Dobit prije oporezivanja</i>		33	94
Porez na dobit	11	(6)	(11)
<i>Dobit nakon oporezivanja</i>		27	83
<i>Ostali ukupni rezultat</i>		-	-
Dobici/gubici utvrđeni direktno u kapitalu	-	-	-
UKUPNI REZULTAT		27	83

Bilješke u nastavku čine sastavni dio ovih finansijskih izvještaja.

ZENIČKA RAZVOJNA AGENCIJA ZEDA d.o.o. Zenica
IZVJEŠTAJ O FINANSIJSKOM POLOŽAJU
na dan 31. decembra 2024. godine

	Bilješka	31.12.2024. 000 BAM	31.12.2023. 000 BAM
IMOVINA			
<i>Dugoročna imovina</i>			
Nekretnine, postrojenja i oprema	12	809	926
Investicijske nekretnine	12	6	6
Nematerijalna imovina	12	11	15
Biološka imovina	12	24	24
<i>Ukupno dugoročna imovina</i>		850	971
<i>Kratkoročna imovina</i>			
Potraživanja od kupaca	13	61	68
Novac u banci i u blagajni	14	146	210
Ostala potraživanja	15	73	4
<i>Ukupno kratkoročna imovina</i>		280	282
UKUPNA POSLOVNA IMOVINA		1.130	1.253
KAPITAL I OBAVEZE			
<i>Kapital</i>			
Vlasnički kapital	16	10	10
Akumulirana dobit	-	418	391
<i>Ukupno kapital</i>		428	401
<i>Dugoročne obaveze</i>			
Odgođeni prihod i razgraničenja	17	648	747
<i>Ukupno dugoročne obaveze</i>		648	747
<i>Kratkoročne obaveze</i>			
Obaveze prema dobavljačima	18	35	30
Obaveze za porez na dobit	11	6	11
Obaveze iz osnova plaća i naknada	19	10	56
Ostale obaveze i razgraničenja	20	3	8
<i>Ukupno kratkoročne obaveze</i>		54	105
UKUPNO KAPITAL I OBAVEZE		1.130	1.253

Bilješke u nastavku čine sastavni dio ovih finansijskih izvještaja.

ZENIČKA RAZVOJNA AGENCIJA ZEDA d.o.o. Zenica
IZVJEŠTAJ O PROMJENAMA NA KAPITALU
 za godinu koja je završila 31. decembra 2024. godine

	Vlasnički kapital <i>000 BAM</i>	Akumulirana dobit <i>000 BAM</i>	UKUPNO <i>000 BAM</i>
Stanje 31. decembar 2022.	10	308	318
Isplata dobiti	-	-	-
Neto dobit za 2023. godinu	-	83	83
Stanje 31. decembar 2023.	10	391	401
Isplata dobiti	-	-	-
Neto dobit za 2024. godinu	-	27	27
Stanje 31. decembar 2024.	10	418	428

Bilješke u nastavku čine sastavni dio ovih finansijskih izvještaja.

ZENIČKA RAZVOJNA AGENCIJA ZEDA d.o.o. Zenica
IZVJEŠTAJ O NOVČANIM TOKOVIMA
 za godinu koja je završila 31. decembra 2024. godine

	2024. 000 BAM	2023. 000 BAM
<i>Poslovne aktivnosti</i>		
Dobit nakon poreza	27	83
<i>Usklađenje za:</i>		
Amortizacija	146	168
Gubici/dobici po osnovu rashodovanja stalnih sredstava	-	-
<i>Usklađenje za promjene u operativnoj imovini i obavezama:</i>		
Promjene u zalihama	-	-
Promjene u potraživanjima od kupaca	7	(7)
Promjene ostale imovine i potraživanja	(69)	1
Promjene u obavezama prema dobavljačima	5	(24)
Promjene u ostalim kratkoročnim obavezama	(56)	(55)
Neto novčani tok iz poslovnih aktivnosti	60	166
<i>Finansijske aktivnosti</i>		
Promjene u obavezama po kreditima	-	(310)
Promjene u ostalim dugoročnim obavezama	(99)	318
Neto novčani tok iz finansijskih aktivnosti	(99)	8
<i>Ulagačke aktivnosti</i>		
Nabavka stalnih sredstava	(25)	(35)
Neto novčani tok iz ulagačkih aktivnosti	(25)	(35)
Neto promjene novca i novčanih ekvivalenata	(64)	139
Novac i novčani ekvivalenti na početku godine	210	71
Novac i novčani ekvivalenti na kraju godine	146	210

Bilješke u nastavku čine sastavni dio ovih finansijskih izvještaja.

ZENIČKA RAZVOJNA AGENCIJA ZEDA d.o.o. Zenica
BILJEŠKE UZ FINANSIJSKE IZVJEŠTAJE
za godinu koja je završila 31. decembra 2024. godine

1. OPŠTI PODACI

ZENIČKA RAZVOJNA AGENCIJA ZEDA d.o.o. Zenica (u nastavku «Društvo») je društvo sa ograničenom odgovornošću osnovano u Zenici, sa adresom sjedišta u ulici Zmaja od Bosne bb, 72000 Zenica, s ciljem ekonomskog razvoja, pomoći razvoju MSP i kreiranju povoljnog poslovnog ambijenta u Zenici i regiji. Društvo je osnovano Odlukom vijeća Općine Zenica o osnivanju Agencije za ekonomski razvoj Zenica od 2.12.2003. godine. Inicijalno je u sudski registar upisano Rješenjem Kantonalnog suda u Zenici br. U/I-101/04 od 21.1.2004. godine pod punim nazivom AGENCIJA ZA EKONOMSKI RAZVOJ ZENICA d.o.o. Zenica, skraćeno „ZEDA“ d.o.o. Zenica, sa sjedištem u ul. Školska br. 12, osnovnim kapitalom od 10.000 BAM vlasnika Općine Zenica.

Rješenjem o izmjenama podataka Općinskog suda u Zenici broj: 043-0-Reg-15-001089 od 17.11.2015. godine registrovano je proširenje djelatnosti Društva i promjena naziva u: Zenička razvojna agencija “ZEDA” d.o.o. Zenica (skraćeno: ZEDA d.o.o. Zenica). Rješenjem o izmjenama podataka Općinskog suda u Zenici broj: 043-0-Reg-17-000488 od 19.5.2017. godine upisana je promjena sjedišta Društva i promjena lica ovlaštenog za zastupanje, od kada je sjedište Društva na adresi Zmaja od Bosne bb, Poslovna zona Zenica 1, Zenica, a Senad Pašalić je upisan kao v.d. direktora bez ograničenja ovlaštenja. Rješenjem o izmjenama podataka Općinskog suda u Zenici broj: 043-0-Reg-17-000770 od 24.7.2017. godine upisana je promjena položaja lica ovlaštenog za zastupanje kada je Senad Pašalić Senad upisan kao direktor bez ograničenja ovlaštenja. Posljednjim Rješenjem o izmjenama podataka Općinskog suda u Zenici broj: 043-0-Reg-21-000595 od 14.6.2021. godine upisane su promjene podataka za osnivača Društva, od kada je Osnivač Društva Grad Zenica (umjesto “Općina” Zenica).

Društvo je registrovano kod Porezne uprave FBiH pod ID brojem 4218419860000, a kod Uprave za indirektno – neizravno oporezivanje BiH pod PDV brojem 218419860000. U skladu sa *Zakonom o računovodstvu i reviziji u FBiH („Službene novine FBiH”, broj 15/21)*, Društvo se na osnovu iskazanih bilansnih pozicija na 31.12.2024. godine razvrstalo u mala pravna lica.

Osnovna djelatnost

Šifra djelatnosti Društva po obavještenju o razvrstavanju pravnih lica je 74.22 - *Savjetovanje u vezi s poslovanjem i ostalim upravljanjem*. Društvo je osnovano s ciljem ekonomskog razvoja, pomoći razvoju MSP i kreiranju povoljnog poslovnog ambijenta u Zenici i regiji.

Organizacija

Pravilnikom o organizaciji sa sistematizacijom i opisom poslova koji je donio direktor Društva, a na koji je dao saglasnost Gradonačelnik Zenice Zaključkom broj: 02-49-24227 /15, utvrđene su organizacione jedinice i njihov djelokrug rada, broj zaposlenih, njihov opis poslova i radnih zadataka, kao i ostala pitanja vezana za organizaciju i rukovođenje Društva.

Ovim pravilnikom utvrđene su slijedeće organizacione jedinice - sektori:

1. Lokalni ekonomski razvoj - LER
2. Laboratorija za ispitivanje sigurnosti proizvoda - LIND
3. Sektor općih poslova - SOP

ZENIČKA RAZVOJNA AGENCIJA ZEDA d.o.o. Zenica
BILJEŠKE UZ FINANSIJSKE IZVJEŠTAJE
za godinu koja je završila 31. decembra 2024. godine

1. OPŠTI PODACI (NASTAVAK)

Zaposleni

Na dan 31. decembar 2024. godine Društvo je zapošljavalo 13 radnika (31. decembar 2023. godine: 13 radnika).

Organi Društva

Skupština

Društvom upravlja Osnivač koji vrši ovlaštenja Skupštine Društva. Gradonačelnik Zenice u skladu sa svojim ovlaštenjima vrši funkciju Osnivača - Skupštine.

Nadzorni odbor

Nadzorni odbor čine predsjednik i dva člana. Članovi Nadzornog odbora su imenovani Rješenjem Gradonačelnika Grada Zenica broj: 02-45-13765/21 od 12.07.2021 na period od četiri godine, sa izuzetkom Amre Mehmedić koja je umjesto Ajle Ćosić u julu 2024. godine imenovana kao privremeni član Nadzornog odbora, a zatim u augustu 2024. godine imenovana za člana Nadzornog odbora do kraja mandata Nadzornog odbora. Nadzorni odbor čine:

1. Amra Mehmedić, predsjednik
2. Ljubinka Mičić, član
3. Davor Sušić, član

Uprava

Upravu Društva čini direktor. Direktor Društva je Senad Pašalić, diplomirani inženjer mašinstva, imenovan Rješenjem Gradonačelnika broj: 01-30-920/21. od 20.09.2021. godine, a na osnovu prethodne saglasnosti Skupštine broj: 02-45-17624/21. od 26.08.2021. godine.

2. INFORMACIJE O ZNAČAJNIM RAČUNOVODSTVENIM POLITIKAMA

Izjava o usklađenosti

Finansijski izvještaji pripremljeni su u skladu sa Međunarodnim standardom finansijskog izvještavanja za male i srednje subjekte ("MSFI za MSS") objavljenim od strane Međunarodnog odbora za računovodstvene standarde, prevedenim i objavljenim u FBiH.

Vremenska neograničenost poslovanja

Finansijski izvještaji su sačinjeni pod pretpostavkom vremenske neograničenosti poslovanja što podrazumijeva da će Društvo biti sposobno realizovati potraživanja i podmiriti obaveze u normalnom toku poslovanja.

Osnova prezentiranja

Ovi finansijski izvještaji pripremljeni su po načelu historijskog troška. Finansijski izvještaji prezentovani su u konvertibilnim markama (BAM), obzirom da je to valuta u kojoj je iskazana većina poslovnih događaja Društva. Konvertibilna marka je fiksno vezana za euro (1 EURO = 1,95583 BAM).

Sastavljanje finansijskih izvještaja u skladu sa MSFI za MSS zahtijeva od Uprave korištenje prosudbi, procjena i pretpostavki koje utječu na primjenu računovodstvenih politika, te objavljene iznose imovine, obaveza, prihoda i rashoda. Stvarni rezultati mogu biti različiti od tih procjena. Procjene i povezane pretpostavke redovno se pregledaju. Promjene računovodstvenih procjena priznaju se u periodu u kojem su procjene promijenjene, te eventualno budućim periodima, ako utiču i na njih.

Informacije o područjima sa značajnom neizvjesnošću u procjenama i kritičnim prosuđivanjima u primjeni računovodstvenih politika, koje imaju najznačajniji uticaj na iznose objavljene u ovim finansijskim izvještajima, objavljene su u Bilješci 3. Slijedi opis usvojenih temeljnih računovodstvenih politika.

Prihodi od pružanja usluga

Prihod se mjeri po fer vrijednosti primljene naknade ili potraživanja. Kod utvrđivanja fer vrijednosti uzima se u obzir iznos svih vrsta popusta koje odobrava Društvo. Iz prihoda se isključuju naplaćeni iznosi u ime trećih lica, kao što su porez na promet, porez na dodanu vrijednost i sl.

Kada se ishod transakcije, koja obuhvata pružanje usluga, može pouzdano procijeniti, prihodi povezani s tom transakcijom će se priznati prema stepenu dovršenosti transakcije na kraju izvještajnog perioda. Ishod transakcije se može pouzdano procijeniti kada su ispunjeni svi sljedeći uslovi:

- a) iznos prihoda se može pouzdano izmjeriti,
- b) vjerovatno je da će ekonomske koristi povezane s transakcijom pritjecati u subjekt,
- c) stepen dovršenosti transakcije na kraju izvještajnog perioda se može pouzdano izmjeriti, i
- d) nastali troškovi transakcije i troškovi dovršavanja transakcije mogu se pouzdano izmjeriti.

2. INFORMACIJE O ZNAČAJNIM RAČUNOVODSTVENIM POLITIKAMA (NASTAVAK)

Troškovi i naknade zaposlenim

U ime svojih zaposlenika, Društvo plaća porez na dohodak, kao i doprinose za penziono, invalidsko, zdravstveno i osiguranje od nezaposlenosti, na i iz plata, koji se obračunavaju po zakonskim stopama tokom godine na bruto platu. Društvo plaća navedeni porez i doprinose u korist institucija Federacije Bosne i Hercegovine, na federalnom i kantonalnom nivou.

Topli obrok, prevoz na i sa posla i regres su plaćeni u skladu sa domaćim zakonskim propisima. Ovi troškovi su prikazani u bilansu uspjeha u periodu u kojem su nastali troškovi plata. Društvo knjiži troškove otpremnina za odlazak u penziju u trenutku njihovog dospijanja.

Društvo nema druge obaveze vezane za isplate penzija ili drugih beneficija, kako bivšim zaposlenim tako i aktivnim zaposlenim.

Strane valute

Poslovni događaji koji nisu u konvertibilnim markama početno se knjiže preračunavanjem po važećem kursu na datum transakcije. Finansijska imovina i obaveze iskazani u stranim valutama ponovno se preračunavaju na datum bilansa stanja primjenom zvaničnog kursa Centralne banke Bosne i Hercegovine. Dobici i gubici nastali preračunavanjem uključuju se u neto dobit ili gubitak perioda.

Oporezivanje

Porez na dobit

Trošak poreza na dobit predstavlja zbirni iznos tekuće porezne obaveze i odgođenih poreza. Tekuća porezna obaveza temelji se na oporezivoj dobiti za godinu. Oporeziva dobit razlikuje se od neto dobiti perioda iskazanoj u bilansu uspjeha jer ne uključuje stavke prihoda i rashoda koje su oporezive ili neoporezive u drugim godinama, kao i stavke koje nikada nisu oporezive ni odbitne. Tekuća porezna obaveza Društva izračunava se primjenom poreznih stopa koje su na snazi, odnosno važeće na datum bilansa stanja.

Porez na dodatu vrijednost

Zakonom o porezu na dodatu vrijednost BiH uvedena je obaveza i regulisan sistem plaćanja poreza na dodatu vrijednost počevši od 1. januara 2006. godine.

Porezi i doprinosi koji ne zavise od rezultata

Porezi i doprinosi koji ne zavise od rezultata predstavljaju plaćanja prema važećim zakonskim propisima radi finansiranja komunalnih i sličnih potreba. Evidentiraju se kao trošak perioda.

Troškovi pozajmljivanja

Troškovi pozajmljivanja terete bilans uspjeha u periodu u kojem su nastali.

2. INFORMACIJE O ZNAČAJNIM RAČUNOVODSTVENIM POLITIKAMA (NASTAVAK)

Nekretnine, postrojenja i oprema

Nekretnine, postrojenja i oprema početno se vrednuju po trošku nabavke. Nabavnu vrijednost čini fakturna vrijednost nabavljene imovine uvećana za sve troškove nastale do njenog dovođenja u upotrebu. Kod izgradnje u vlastitoj režiji nabavnu vrijednost čini ukupno ulaganje u imovinu isključujući interne profite.

Nakon početnog priznavanja Društvo će nekretnine, postrojenja i opremu iskazivati po trošku nabavke umanjenom za akumuliranu amortizaciju i akumuliranje gubitke od umanjenja (metoda troška).

Amortizacija se obračunava tako da se nabavna vrijednost imovine, osim imovine u pripremi, otpisuje tokom procijenjenog korisnog vijeka imovine primjenom linearne metode po sljedećim stopama:

Nekretnine	od 5% do 10%
Postrojenja i oprema	od 15,00 % do 33,33 %
Transportna sredstva	15,00 %

Dobici ili gubici nastali otuđenjem ili rashodovanjem određenog sredstva utvrđuju se kao razlika između prihoda od prodaje i knjigovodstvenog iznosa toga sredstva i priznaju u korist, odnosno na teret rezultata perioda.

Nematerijalna imovina

Nematerijalna imovina je imovina koja po svojoj vremenskoj klasifikaciji zadovoljava kriterije stalnih sredstava i koja istovremeno zadovoljavaju sve od sljedećih uvjeta:

- radi se o sredstvu koju je moguće prepoznati (kao što je software ili novi procesi);
- ako je vjerovatno da će sredstvo ostvariti buduću ekonomsku korist i
- ako je moguće pouzdano izmjeriti troškove sticanja sredstva.

Nematerijalna imovina amortizira se linearnom metodom tokom njezinog korisnog vijeka trajanja.

Umanjenja nefinansijske imovine

Društvo na kraju svakog izvještajnog perioda procjenjuje da li postoji pokazatelj da je nekoj imovini umanjena vrijednost. Ako takav pokazatelj postoji, Društvo procjenjuje nadoknadiivi iznos imovine. Ako nema pokazatelja umanjenja vrijednosti, nije potrebno procjenjivati nadoknadiivi iznos.

Nadoknadiivi iznos imovine ili jedinice koja stvara novac je njena fer vrijednost umanjena za troškove prodaje ili njena vrijednost u upotrebi, zavisno od toga što je više. Ako je nadoknadiivi iznos imovine manji od knjigovodstvenog iznosa, Društvo knjigovodstveni iznos imovine treba smanjiti na njen nadoknadiivi iznos. Gubici od umanjenja vrijednosti priznaju se kao rashod.

Društvo na svaki izvještajni datum treba procijeniti da li postoje pokazatelji da gubitak od umanjenja vrijednosti priznat u prethodnim periodima možda više ne postoji ili je možda manji. Ako

2. INFORMACIJE O ZNAČAJNIM RAČUNOVODSTVENIM POLITIKAMA (NASTAVAK)

Umanjenja nefinansijske imovine (nastavak)

takvi pokazatelji postoje, Društvo treba utvrditi da li treba ukinuti dio ili cjelokupan gubitak od umanjenja vrijednosti iz prethodnih perioda. Subjekt priznaje ukidanje gubitka od umanjenja vrijednosti u dobit ili gubitak.

Zalihe

Zalihe se iskazuju po trošku ili neto vrijednosti koja se može realizovati, ovisno o tome šta je niže. Neto vrijednost koja se može realizovati predstavlja procijenjenu prodajnu cijenu umanjenu za sve procijenjene troškove dovršenja i troškove marketinga, prodaje i distribucije. Trošak obuhvata fakturnu cijenu i sve zavisne i indirektno troškove povezane s dovođenjem zaliha do njihove sadašnje lokacije i u sadašnje stanje. Zalihe sitnog inventara otpisuju se 100% prilikom stavljanja u upotrebu.

Finansijska imovina i obaveze

Društvo finansijsku imovinu ili finansijsku obavezu priznaje samo onda kada postaje jedna od strana prema ugovornim odredbama instrumenta. Poslije početnog priznavanja finansijske imovine ili finansijske obaveze Društvo iste mjeri po transakcijskoj cijeni, osim u slučaju kada ugovor predstavlja finansijsku transakciju ili za Društvo (finansijsku obavezu) ili drugu stranu (finansijsku imovinu). Ugovor predstavlja finansijsku transakciju ukoliko se plaćanje odgađa preko mjere uobičajenih poslovnih uslova (npr. beskametni kredit kupcu). Ukoliko ugovor predstavlja finansijsku transakciju Društvo finansijsku imovinu ili finansijsku obavezu mjeri po amortiziranom trošku.

Potraživanja od kupaca

Potraživanja od kupaca se iskazuju u nominalnom iznosu umanjenom za odgovarajući iznos ispravke vrijednosti za procijenjene nenadoknadive gubitke, ako postoje.

Novac u banci i blagajni

Novac se sastoji od novca u bankama i gotovine. Novčani ekvivalenti obuhvataju depozite po viđenju i oročene depozite s rokom dospijeca do tri mjeseca u BAM i u stranim valutama. Novac na računima u BAM kod ovlaštenih organizacija (banaka) vodi se u nominalnim svotama prema izvodu o stanju i prometu tih računa. Novac u blagajni u BAM iskazuje se u nominalnoj vrijednosti. Novac u stranim valutama na računima u banci i blagajni iskazuje se prema srednjem kursu Centralne banke BiH na dan bilansa.

Prekoračenja po transakcijskim računima iskazuju se u bilansu stanja kao obaveze prema finansijskim institucijama u okviru obaveza.

Umanjenje vrijednosti finansijske imovine

Na kraju svakog izvještajnog perioda, Društvo ocjenjuje postoji li objektivni dokaz o umanjenju vrijednosti bilo koje finansijske imovine koja je izmjerena po nabavnoj vrijednosti ili amortizovanom trošku. Ukoliko postoji objektivni dokaz o umanjenju vrijednosti, Društvo gubitak od umanjenja vrijednosti treba odmah priznati u dobit ili gubitak.

2. INFORMACIJE O ZNAČAJNIM RAČUNOVODSTVENIM POLITIKAMA (NASTAVAK)

Finansijska imovina i obaveze (nastavak)

Obaveze prema dobavljačima

Obaveze prema dobavljačima koje dospijevaju na plaćanje u skladu sa zakonskim propisima iz oblasti finansijskog poslovanja se evidentiraju i mjere po nominalnom iznosu iskazanom na fakturi dobavljača.

Prestanak priznavanja finansijske imovine i finansijskih obaveza

Društvo prestaje priznavati finansijsku imovinu kada ugovorna prava na novčane tokove iz iste investicije isteknu ili se izmire ili kad Društvo prenese sve rizike i koristi od vlasništva nad finansijskom imovinom. Društvo prestaje priznavati finansijsku obavezu (ili dio finansijske obaveze) samo kada je ona ugašena – tj. kada je ugovorom određena obaveza ispunjena, otkazana ili istekla.

Rezervisanja

Rezervisanja se priznaju ako Društvo trenutno ima pravnu ili izvedenu obavezu kao posljedicu događaja iz prošlog perioda i ako postoji vjerovatnoća da će Društvo morati podmiriti navedenu obavezu. Iznos priznat kao rezervisanje je najbolja procjena iznosa potrebnog za podmirenje postojeće obaveze na dan bilansa stanja, uzevši u obzir rizike i nesigurnosti vezane za obavezu.

3. KLJUČNE RAČUNOVODSTVENE PROCJENE I PRETPOSTAVKE

Kod primjene računovodstvenih politika, opisanih u Bilješci 2, Uprava Društva donosi odluke, te daje procjene i pretpostavke koje utiču na iznose imovine i obaveza, koji se ne mogu izvesti iz ostalih izvora. Procjene i pretpostavke zasnivaju se na prijašnjem i ostalim relevantnim faktorima. Stvarni iznosi mogu se razlikovati od procijenjenih. Procjene i pretpostavke se stalno preispituju. Izmjene knjigovodstvenih procjena priznaju se u periodu izmjene ukoliko se odnose samo na taj period, ili u periodu izmjene i budućim periodima ukoliko izmjena utiče na tekući i buduće periode.

Ključni izvori procjene neizvjesnosti

Slijedeće su ključne pretpostavke koje se odnose na budućnost i ostali ključni izvori procjene neizvjesnosti na datum bilansa stanja, koji imaju značajan rizik uzrokovanja materijalnog usklađivanja knjigovodstvene vrijednosti sredstava i obaveza u narednoj finansijskoj godini.

Vijek trajanja nekretnina, postrojenja i opreme

Kao što je opisano u Bilješci 2, Društvo pregleda procijenjeni vijek trajanja nekretnina, postrojenja i opreme na kraju svakog godišnjeg izvještajnog perioda.

Umanjenje vrijednosti potraživanja od kupaca

Uprava Društva priznaje umanjenje vrijednosti za potraživanja od kupaca ukoliko postoji objektivni dokaz o umanjenju vrijednosti.

Rezervisanja za sudske sporove

Društvo priznaje rezervisanja za sudske sporove u iznosu potrebnim za izmirenje obaveza kada je vjerovatnoća da će se izmirenje desiti veća nego da neće doći do toga doći.

ZENIČKA RAZVOJNA AGENCIJA ZEDA d.o.o. Zenica
BILJEŠKE UZ FINANSIJSKE IZVJEŠTAJE
 za godinu koja je završila 31. decembra 2024. godine

4. PRIHODI IZ UGOVORA SA KUPCIMA

	2024. 000 BAM	2023. 000 BAM
Prihodi od pruženih usluga na domaćem tržištu	34	68
Ostalo	2	-
UKUPNO	36	68

Prihodi od pruženih usluga se najvećim dijelom odnose na prihode od usluga ispitivanja u laboratoriji Društva.

5. OSTALI PRIHODI I DOBICI

	2024. 000 BAM	2023. 000 BAM
Prihodi iz namjenskih izvora - projekti	741	1.210
Prihodi od Grada Zenica	533	522
Prihodi od zakupa	145	137
Prihodi od ukidanja odloženog prihoda po osnovu donacija u visini amortizacije (Bilješka 17)	55	-
Ostalo	1	71
UKUPNO	1.475	1.940

Prihodi iz namjenskih izvora odnose se na prilive sredstava po osnovu implementacije nekoliko projekata tokom 2024. godine. U okviru prihoda iz namjenskih izvora Društvo je iskazalo 464 hiljade BAM po osnovu priliva sredstava na vlastiti račun na projektima na kojima je vodeći partner, a koje je zatim transferisalo drugim partnerima na projektima u skladu sa projektnim budžetima i ugovorima.

Prihodi od Grada Zenica se odnose na prilive sredstava po osnovu Zaključaka Grada Zenica u svrhu finansiranja troškova poslovanja Društva i projektnih aktivnosti koje finansira Grad.

Prihodi od zakupa ostvaruju se iznajmljivanjem poslovnih prostora privrednim subjektima u Biznis Inkubatoru i zgradi Techno parka Zenica u Poslovnoj zoni Zenica 1.

6. TROŠKOVI MATERIJALA I ENERGIJE

	2024. 000 BAM	2023. 000 BAM
El. energija, gorivo za vozila i ostali troškovi energije	35	31
Sitan inventar	3	8
Kancelarijski materijal i ostali troškovi materijala	2	2
Ostalo	5	-
UKUPNO	45	41

ZENIČKA RAZVOJNA AGENCIJA ZEDA d.o.o. Zenica
BILJEŠKE UZ FINANSIJSKE IZVJEŠTAJE
 za godinu koja je završila 31. decembra 2024. godine

7. TROŠKOVI OSOBLJA

	2024. <i>000 BAM</i>	2023. <i>000 BAM</i>
Bruto plaće	309	306
Pomoć radnicima	78	-
Naknade putnih troškova	45	4
Doprinosi na teret poslodavca	33	32
Naknada za ishranu	32	27
Naknade članovima nadzornog odbora	13	11
Regres	9	8
Troškovi ugovora o djelu	5	21
Troškovi pripravnika	-	155
Ostalo	23	3
UKUPNO	547	567

Pomoć radnicima se najvećim dijelom odnosi na isplate pomoći radnicima od strane poslodavca u skladu sa Uredbama Vlade FBiH u iznosu od 5.288 BAM po radniku.

Naknada toplog obroka je tokom 2024. godine iznosila 12,80 BAM po danu.

Regres je isplaćen u iznosu od 682 BAM po radniku.

8. TROŠKOVI USLUGA I ADMINISTRATIVNI TROŠKOVI

	2024. <i>000 BAM</i>	2023. <i>000 BAM</i>
Troškovi projekata	592	1.021
Reprezentacija	41	19
Održavanje stalnih sredstava i laboratorije	17	38
Advokatske, notarske i računovodstvene usluge	9	6
Komunalne usluge	8	17
Reklama	8	1
Platni promet i druge bankarske usluge	6	4
Opšte vodne i naknade za nesreće, članarine, takse i ostali porezi	5	9
Poštanske i telekomunikacione usluge	5	5
Premije osiguranja imovine i zaposlenika	2	2
Ostali troškovi	17	12
UKUPNO	710	1.134

Troškovi projekata se najvećim dijelom odnose na transfer sredstava partnerima na projektu „SpinIT“ u kojem je Društvo vodeći partner, a manjim dijelom na troškove angažovanja osoba na stručno osposobljavanje bez zasnivanja radnog odnosa u Gradsku upravu, Društvo, javna preduzeća i javne ustanove kojima je vlasnik i osnivač Grad Zenica, te u institucije sa kojima Društvo ima potpisan Sporazum o saradnji u sklopu projekata Prvo radno iskustvo – volonteri, te na troškove zakupa u vezi sa održavanjem sajma „ZEPS“.

ZENIČKA RAZVOJNA AGENCIJA ZEDA d.o.o. Zenica
BILJEŠKE UZ FINANSIJSKE IZVJEŠTAJE
 za godinu koja je završila 31. decembra 2024. godine

9. OSTALI RASHODI I GUBICI

	2024. 000 BAM	2023. 000 BAM
Rashodi iz osnova ispravke grešaka iz prethodnog perioda	30	-
UKUPNO	30	-

10. FINANSIJSKI RASHODI

	2024. 000 BAM	2023. 000 BAM
Redovne kamate	-	4
UKUPNO	-	4

11. POREZ NA DOBIT

Porezna obaveza Društva izračunava se na temelju računovodstvene dobiti, uzimajući u obzir efekat usklađivanja rashoda i prihoda. Stopa poreza na dobit za godinu koja je završila sa 31. decembrom 2024. i 2023. bila je 10 %. Ukupni porez na dobit može se prezentovati kako slijedi:

	2024. 000 BAM	2023. 000 BAM
Ukupno prihodi	1.511	2.008
Ukupno rashodi	(1.478)	(1.914)
Porezna osnovica prije usklađenja	33	94
<i>Plus: Novčane kazne i zatezne kamate</i>	-	-
<i>Plus: Poreski nepriznat dio reprezentacije</i>	29	14
Porezna osnovica prije transfernih cijena	62	108
Poreski učinak transfernih cijena	-	-
Porezna osnovica poslije transfernih cijena	62	108
<i>Minus: Porezni poticaji po osnovu novog zapošljavanja</i>	-	-
Porezna osnovica	62	108
Porez na dobit u zemlji po stopi od 10 %	6	11

ZENIČKA RAZVOJNA AGENCIJA ZEDA d.o.o. Zenica
BILJEŠKE UZ FINANSIJSKE IZVJEŠTAJE
 za godinu koja je završila 31. decembra 2024. godine

12. NEKRETNINE, POSTROJENJA, OPREMA I NEMATERIJALNA IMOVINA

	Ulaganja u tuđe objekte <i>000 BAM</i>	Postrojenja i oprema <i>000 BAM</i>	Transportna sredstva <i>000 BAM</i>	Investicijske nekretnine <i>000 BAM</i>	Licence i softveri <i>000 BAM</i>	Biološka imovina <i>000 BAM</i>	UKUPNO <i>000 BAM</i>
<u>Nabavna vrijednost</u>							
Na dan 1. januara 2024.	879	1.131	27	6	69	24	2.136
Povećanja	-	25	-	-	-	-	25
Prodaja i rashodovanje	-	-	-	-	-	-	-
Na dan 31. decembar 2024.	879	1.156	27	6	69	24	2.161
<u>Akumulirana amortizacija</u>							
Na dan 1. januara 2024.	156	930	25	-	54	-	1.165
Amortizacija za period	46	96	-	-	4	-	146
Prodaja i rashodovanje	-	-	-	-	-	-	-
Na dan 31. decembar 2024.	202	1.026	25	-	58	-	1.311
<u>Neto knjigovodstvena vrijednost</u>							
Na dan 31. decembar 2024.	677	130	2	6	11	24	850
Na dan 1. januara 2024.	723	201	2	6	15	24	971

ZENIČKA RAZVOJNA AGENCIJA ZEDA d.o.o. Zenica
BILJEŠKE UZ FINANSIJSKE IZVJEŠTAJE
 za godinu koja je završila 31. decembra 2024. godine

12. NEKRETNINE, POSTROJENJA, OPREMA I NEMATERIJALNA IMOVINA (NASTAVAK)

Ulaganja u tuđe objekte odnose se na ulaganja Društva u objekte koji su Zaključkom Načelnika općine Zenica od 26.5.2008. godine ustupljeni Društvu na korištenje na neodređeno vrijeme u cilju realizacije projekata „Technopark“, „Biznis inkubator“ i „Laboratorija za ispitivanje namještaja i drveta“. Ustupljene nekretnine se prema Zaključku odnose na sljedeće objekte sa pripadajućim zemljištem : k.č. 290/7, kuća, zgrada i zemljište uz privrednu zgradu ukupne površine 990 m², k.č. 290/8, kuća, zgrada i zemljište uz privrednu zgradu ukupne površine 308 m² i k.č. 290/9, kuća, zgrada i zemljište uz privrednu zgradu ukupne površine 1.118 m², sve uknjiženo u Z.K. ulošku br. 612, te k.č. 290/12, kuća i zgrada ukupne površine 1.260m², uknjižena u Z.K. uložak br. 610.

13. POTRAŽIVANJA OD KUPACA

	31.12.2024.	31.12.2023.
	<i>000 BAM</i>	<i>000 BAM</i>
Potraživanja od kupaca u zemlji	61	68
UKUPNO	61	68

14. NOVAC U BANC I BLAGAJNI

	31.12.2024.	31.12.2023.
	<i>000 BAM</i>	<i>000 BAM</i>
Transakcioni računi kod banaka - BAM	24	70
Transakcioni računi kod banaka - devizni	122	140
UKUPNO	146	210

15. OSTALA POTRAŽIVANJA

	31.12.2024.	31.12.2023.
	<i>000 BAM</i>	<i>000 BAM</i>
Razgraničeni troškovi	61	-
Akontacije poreza na dobit	10	3
Ostalo	2	1
UKUPNO	73	4

Razgraničeni troškovi se odnose na troškove koji su za Društvo nastali provođenjem projektnih aktivnosti u okviru projekta „SpinIT“, a za koje do obračunskog datuma nije bilo priliva sredstava od strane donatora.

16. VLASNIČKI KAPITAL

Vlasnička struktura može se prikazati kako slijedi:

	%	31.12.2024.	%	31.12.2023.
	vlasništva	000 BAM	vlasništva	000 BAM
Grad Zenica	100,00	10	100,00	10
UKUPNO	100,00	10	100,00	10

ZENIČKA RAZVOJNA AGENCIJA ZEDA d.o.o. Zenica
BILJEŠKE UZ FINANSIJSKE IZVJEŠTAJE
 za godinu koja je završila 31. decembra 2024. godine

17. ODGOĐENI PRIHOD I RAZGRANIČENJA

	31.12.2024. <i>000 BAM</i>	31.12.2023. <i>000 BAM</i>
Odgođeni prihod iz donacija	639	721
Ostala dugoročna razgraničenja	9	26
UKUPNO	648	747

Odgođeni prihod iz donacija se odnosi na donirana sredstva za adaptaciju Aneksa B zgrade TechnoParka u sklopu projekta "iNnovaNet" koji je priveden kraju, a koji je finansiran iz sredstava IPA programa prekogranične saradnje Hrvatska – Bosna i Hercegovina – Crna Gora i iz sredstava Grada Zenice i Federalnog ministarstva razvoja, poduzetništva i obrta. Projektom se obezbijedilo novih 36 kancelarijskih prostora za poduzetnike iz Grada Zenica.

Ostala dugoročna razgraničenja odnose se na grant sredstva iz projekta „COSME/BITNET 2022-2025” u vrijednosti od 9 hiljada BAM, po osnovu kojih će se projektne aktivnosti izvršavati u 2025. Godini.

Kretanje na odgođenom prihodu za donirana sredstva u toku godine može se prikazati kako slijedi:

	2024. <i>000 BAM</i>	2023. <i>000 BAM</i>
Stanje na dan 1. januara	721	428
Donacije u toku godine	-	303
Prenos na prihode u visini amortizacije (Bilješka 5)	(55)	-
Ostalo	(27)	(10)
UKUPNO	639	721

18. OBAVEZE PREMA DOBAVLJAČIMA

	31.12.2024. <i>000 BAM</i>	31.12.2023. <i>000 BAM</i>
Obaveze prema dobavljačima u zemlji	31	26
Obaveze prema dobavljačima u inostranstvu	4	4
UKUPNO	35	30

19. OBAVEZE IZ OSNOVA PLAĆA I NAKNADA

	31.12.2024. <i>000 BAM</i>	31.12.2023. <i>000 BAM</i>
Obaveze neto plaće i naknade	4	21
Obaveze za poreze i doprinose na/iz plaća	1	12
Ostalo	5	23
UKUPNO	10	56

ZENIČKA RAZVOJNA AGENCIJA ZEDA d.o.o. Zenica
BILJEŠKE UZ FINANSIJSKE IZVJEŠTAJE
za godinu koja je završila 31. decembra 2024. godine

20. OSTALE OBAVEZE

	31.12.2024. 000 BAM	31.12.2023. 000 BAM
Obaveze za porez na dodanu vrijednost	2	7
Ostalo	1	1
UKUPNO	3	8

21. POTENCIJALNE OBAVEZE I IMOVINA

Potencijalne obaveze po osnovu datih bankovnih garancija

Na 31. decembar 2024. godine Društvo je koristilo činidbenu bankovnu garanciju u iznosu od 24.500 BAM kod BBI d.d. Sarajevo.

Potencijalne porezne obaveze

Društvo nije bilo predmet kontrole Uprave za indirektno oporezivanje (UIO) i Porezne uprave Federacije BiH unazad pet godina od dana sastavljanja finansijskih izvještaja za 2024. godinu.

Potencijalne obaveze i imovina po osnovu sudskih sporova


Na dan 31.12.2024. godine protiv Društva se ne vode sudski sporovi.

22. DOGAĐAJI NAKON DATUMA BILANSA STANJA

Po izjavi Uprave, nisu postojali događaji niti transakcije nakon datuma bilansa koji bi u značajnoj mjeri uticali na finansijske izvještaje Društva na dan 31. decembar 2024. godine.

23. ODOBRENJE FINANSIJSKIH IZVJEŠTAJA

Finansijske izvještaje za poslovnu 2024. godinu odobrava i potpisuje Uprava Društva:


Senad Pašalić
Direktor

